

Wan Lowamen bin Wandi Trikim Jisas

Pipul bla plei

Det men weya dalim sori

Lowamen

Jisas

Dongki

Stillinbala (sambala men bin grebum im)

Wan men

Serramonimen

Wan men brom det Libai klen

Najawan men – nomo kantrimen

Boswan blanga det haus

Props: Oil and bandages

Storimen: ²⁵Brom deya wan lowamen bin kaman langa Jisas blanga trikim im,

Storimen: Titja, wanim ai garra dum blanga jidan laibala olagija?

Jisas: Wanim det lowa weya deibin raidimdan langa oltestaman im tok? Wanim yubin ridim deya?

Lowamen: ‘Yu garra laigim God brabliwei. Yu garra gibit miselp laif langa im. Holbit yu garra gibit miselp langa im. En yu garra abum filing oni blanga im, en yu garra jinggabat im oldei langa yu main, en yu garra adwek blanga im.’ en ‘Yu garra laigim ola najalot pipul brabliwei jis laik yu laigim miselp.’

Jisas: Trubala tharran yu tok. En if yu duwit, wal yu garra jidan laibala olagija.

Storimen:²⁹ Wal det lowamen bin wandi bekat na, en imbin askim Jisas,

Lowamen: “Wal hu najalot pipul ai garra laigim?”

Jisas: Wantaim wan men bin gowei brom Jerusalem blanga go langa det najawan taun gulum Jeriko, en wen imbin wokwok langa roud, sambala men bin grebum im, en deibin beldim im, en deibin pulumat im ola enijing, en deibin kilim im haf ded, en deibin libum im deya wansaid langa det roud.

³¹Bambai na wan serramonimen bin wokwok langa det seimwan roud, en wen imbin luk det hafdedwan men, imbin gopas det said langa det roud. ³²En lagijat gin wan men brom det Libai klen hubin wekinmen blanga detlot serramonimen bin wokwok langa det seimwan roud, en wen imbin luk det hafdedwan men, imbin go en lukinat langa im gulijap. Bat im nomo bin dum enijing blanga album det men. Imbin jis wokawei brom det hafdedwan men.

³³Bambai na wan men bin brom det kantri gulum Sameriya bin wokwok langa det seimwan roud. Im nomo bin kantrimen blanga det hafdedwan men seimwei laik det naja dubala. Bat wen imbin luk det men leidanbat deya, imbin fil sori blanga im, ³⁴en imbin go langa im, en imbin pudum det oil en wain medisin langa im, en imbin bendijimap im, en afta imbin pikimap det men, en imbin pudum im ontop langa im ronwan dongki, en imbin deigim im langa wan haus, en imbin maindim im deya.^m

³⁵“Ailibala neksdei na det Sameriya men bin gibit sambala mani langa det boswan blanga det haus, en imbin dalim det boswan,

Sameriya men: ‘Yu maindim det men, en wen ai kambek, ai garra peiyim yu blanga enijing weya yubin dum blanga im.’

Storimen: ⁶Wal Jisas bin askim det lowamen na,

Jisas: Wujan men brom detlot thribala men bin laigim det hafdedwan men?

Lowamen: Det men hubin album im.

Jisas: Wal yu garra go en dumbat lagijat du.